



ԵԿԵՂԵՑԱԿԱՆ ԲԵՄ. ԼՈՒՐԵՐ

Դեկտեմբերի 2-ին, չորեքշաբթի.- Պահք:

Այսօր, երեկոյան, վեհարանում տեղի ունեցավ միաբանական ժողով, որի ընթացքում միաբաններին ներկայացվեց վեհափառ Հայրապետի կոնդակը՝ Արարատյան Հայրապետական թեմի առաջնորդական փոխանորդ Գարեգին արքեպս. Ներսիսյանին կաթողիկոսական Ընդհանուր Փոխանորդ նշանակելու մասին:

Դեկտեմբերի 6-ին, կիրակի.- Գ. կիրակի Յիսնակաց:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Թադեոս վրդ. Զիրեկյանը: «Հայր մեր»-ից առաջ պատարագիչ Հայր Սուրբը քարոզ խոսեց՝ «Բազումք են կոչեցեալք՝ եւ սակաւք են ընտրեալք» (Մատթ. Ի 16) բնաբանով:

Դեկտեմբերի 7-ին, երկուշաբթի.- Պահք: Սրբոցն Մինասայ, Երմոգինեայ, Գրաբոսի, եւ կամաւոր աղքատացն՝ Յովհաննու եւ Ալէքսիանոսի:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան, Գևորգյան Հոգևոր Ընտանի տեսուչ Տ. Հայկազուն ծ. վրդ. Նաչարյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Կա ժամանակ ծնանելոյ, եւ ժամանակ մեռանելոյ, ... ժամանակ քակելոյ և ժամանակ շինելոյ, ժամանակ լալոյ եւ ժամանակ ծիծաղելոյ» (Ժողովող Գ 1-3) բնաբանով (տե՛ս էջ 30):

Հավարտ Ս. Պատարագի կատարվեց հոգեհանգստյան կարգ՝ Ի հիշատակ 1988 թ. մեծ երկրաշարժի զոհերի տասներորդ տարելիցի:

Դեկտեմբերի 13-ին, կիրակի.- Դ. կիրակի Յիսնական:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Մակար արքեպ. Հովհաննիսյանը: «Հայր մեր»-ից առաջ պատարագիչ Հայր Սուրբն ընթերցեց Վեհափառ Հայրապետի կոնդակը՝ Անանիա եպս. Արաքսյանին արքության պատիվ շնորհելու մասին (տե՛ս էջ 19):

Անանիա արքեպս. Արաքսյանը քարոզ խոսեց՝ «Սիմովն Յովնանու, սիրե՛ս զիս առաւել քան զդոսա» (Հովհ. ԻԱ 15) քնարանով (տե՛ս էջ 95):

Հավարտ Ս. Պատարագի կատարվեց հոգեհանգստյան կարգ՝ «վասն համօրէն ննջեցելոց»:

Դեկտեմբերի 16-ին, չորեքշաբթի.- Պահք:

Այսօր, երեկոյան, Վեհարանում տեղի ունեցավ միաբանական ժողով, որի ընթացքում քննարկվեց Հայաստանի ողջ տարածքում քրիստոնեական քարոզչությունն է՛լ ավելի ամուր հիմքերի վրա դնելու հարցը:

Դեկտեմբերի 20-ին, կիրակի.- Ե. կիրակի Յիսնական:

Այսօր Մայր Տաճարում, Ավագ Ս. Սեդանի վրա, իր անդրանիկ Ս. Պատարագը մատուցեց Մայր Աթոռի միաբան Տ. Արմաշ արքեպ. Նաւբանդյանը: «Հայր մեր»-ից առաջ պատարագիչ Հայր Սուրբը քարոզ խոսեց՝ «Աստուած, քաւեա զիս զմեղաւորս» (Ղուկ. ԺԸ 13) քնարանով:

Դեկտեմբերի 23-ին, չորեքշաբթի.- Պահք:

Այսօր, երեկոյան, Վեհարանում տեղի ունեցավ միաբանական ժողով, որի ընթացքում Տ. Միքայել ծ. վրդ. Աջապահյանը միաբաններին պատմեց Զիմբաբվեում գումարված Եկեղեցիների Համաշխարհային Խորհրդի հերթական՝ 7-րդ համաժողովի աշխատանքների և այդ համաժողովին Հայ Առաքելական Եկեղեցու պատվիրակության մասնակցության մասին:

Կաթողիկոսական Ընդհանուր Փոխանորդ Գարեգին արքեպս. Ներսիսյանը, հավարտ միաբանական ժողովի, զրույց ունեցավ միաբան սարկավագների հետ:



Նույն օրը Մայր Աթոռ Ս. Էջմիածնում Կաթողիկոսական Ընդհանուր Փոխանորդ գերշ. Տ. Գարեգին արքեպս. Ներսիսյանն ընդունեց Վրաստանի տրանսպորտի նախարար Մերաբ Աղեիշվիլուն, փոխնախարարներ Զուրաբ Բիբիիշվիլուն և Բադրի Դարջանիային՝ Վրաստանում Հայաստանի Հանրապետության արտակարգ և լիազոր դեսպան Գեորգի Խոսրոնի և ՀՀ տրանսպորտի փոխնախարար Արթուր Ավանյանի ուղեկցությամբ:

Հանուն Վեհափառ Հայրապետի ողջունելով հյուրերին, Սրբազան Հայրն իր ուրախությունը հայտնեց Հայաստանի, Վրաստանի, ինչպես նաև Բուլղարիայի միջև հաղորդակցության բնագավառում ծրագրվող եռակողմ համագործակցության համար և հույս հայտնեց, որ համատեղ տնտեսական ծրագրերով եղբայրական ժողովուրդներին առավել դյուրին կլինի հաղթահարել ներկայիս դժվարին կացությունը:

Խոսելով Հայ և Վրաց Եկեղեցիների սերտ հարաբերությունների մասին, Սրբազան Հայրն իր ողջունը փոխանցեց Վրաց Իլիա Բ Կաթողիկոս-Պատրիարքին:

Հանդիպմանը ներկա էր Գեղարքունյաց թեմի առաջնորդ գերշ. Տ. Անանիա արքեպս. Արարաջյանը:



Դեկտեմբերի 24-ին, հինգշաբթի.- Սրբոցն Դավթի մարգարէին եւ Յակովբայ Տեառնեղբայր առաքելոյն:

Այսօր Մայր Աթոռ Սբ. Էջմիածնում Կաթողիկոսական Ընդհանուր Փոխանորդ գերշ. Տ. Գարեգին արքեպս. Ներսիսյանն ընդունեց Հայաստանում Իսրայելի արտակարգ և լիազոր դեսպան (նստավայրը՝ Թբիլիսի) Էհադ Էլդամին:

Կարևորելով իր անդրաճիկ այցը Մայր Աթոռ, Իսրայելի դեսպանը նշեց, որ Երուսաղեմը տուժն է քրիստոնեության, իսկ Հայաստանն առաջինն էր աշխարհում, որ 1700 տարի առաջ այն հռչակեց իբրև պետական կրոն: Պրմ. Էլդամը նշեց նաև, որ, չնայած քաղաքական շահերի տարբերությանը, հայ և հրեա ժողովուրդներն իրենց ճակատագրերով բազմաթիվ ընդհանրություններ ունեն:

Հանուն Վեհափառ Հայրապետի ողջունելով հյուրին, Սրբազան Հայրը նշեց, որ, ի տարբերություն քաղաքական շահերի, երկու ժողովուրդների ճակատագրերի մեմությունը պարտավորեցնում է համագործակցություն այլ ուղղություններով, իսկ Հայ Եկեղեցու ներկայությունն Իսրայելում հայ և հրեա ժողովուրդների կապերի սերտացման լավագույն հիմք կարող է հանդիսանալ:

Իսրայելի սուրբ հոգում Հայոց Եկեղեցու ներկայության մասին հիշատակությունները հասնում են մինչև չորրորդ դար, իսկ յոթերորդ դարից ի վեր գործում է Հայաստանյայց Առաքելական Եկեղեցու Երուսաղեմի պատրիարքությունը: Սրբազան Հայրն ուրախությամբ փաստեց, որ ներկայումս էլ Երուսաղեմի պատրիարքությունը, անկախ առանձին խնդիրներից, շարունակում է անարգել գործել:

Անդրադառնալով Հայաստանում քրիստոնեության ընդունման 1700-ամյակին, Գարեգին Սրբազանը հիշատակեց, որ մինչ այդ ողջ քրիստոնյա աշխարհը կտոմի Քրիստոսի ծննդյան 2000-ամյակը, և քիչ քրիստոն-

յաների հայացքը կողոպտի դեպի Իսրայելի սուրբ հողը, որտեղ ապրել ու գործել է Երկնառաք Վարդապետը: Սրբազան Հայրը՝ դեսպանին տեղեկացրեց, որ 1700-ամյակի տոնակատարության ծրագրերի շրջանակում եկող տարվա աշնանը դեպի սուրբ վայրեր ուխտագնացություն կկազմակերպի մաս Հայաստանյայց Առաքելական Եկեղեցին՝ միաժամանակ հույս հայտնելով, որ հորեյանական հանդիսությունները կստանան Իսրայելի կառավարության աջակցությունը:

Ջրույցի ընթացքում պրն. դեսպանը պատմեց իսրայելցի ժողովրդի կրոնական կյանքի մասին, հետաքրքրվեց Երուսաղեմի հայոց պատրիարքության գործունեությամբ:

Դեկտեմբերի 26-ին, շաբաթ.- Սրբույն Ստեփաննոսի Նախավկային և առաջին մարտիրոսին:

Այսօր Մայր Տաճարում, Ս. Ստեփաննոսի խորանի վրա, Ս. Պատարագ մատուցեց Մայր Աթոռի միաբան Տ. Մակար արքեպ. Հովհաննիսյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Որ քոյին յոճարական հանքերութեամբ զքարկոծումն յանձն առեր, շնորհեալ քեզ Աստուծոյ լինել չարչարակից Բրիստոսի. զի և մեզ ուսուցես փառատրել Սուրբ գերորդութիւնն» (Շարական) բնաբանով (տե՛ս էջ 37):

Դեկտեմբերի 27-ին, կիրակի.- Զ. կիրակի Յիսնակաց:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Աշոտ արքեպ. Մնացականյանը: «Հայր մեր»-ից առաջ քարոզ խոսեց Մայր Աթոռի դիվանապետ Տ. Ներսես արքեպ. Պողոսյանը՝ «Տուր զհամար տմոեսութեան քոյ» (Ղուկ. ԺԶ 2) բնաբանով:

Հավարտ Ս. Պատարագի կատարվեց հոգեհանգստյան կարգ: